

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-8202-1/15.
Zenica, 17.04.2015. godine

Z A P I S N I K

sa 5. sjednice Vlade Zeničko-dobojskog kantona održane 14.04.2015. godine

Sjednica je održana u sali 109, prvi sprat u zgradi Kantona, dana 14.04.2015. godine u trajanju od 10⁴⁰ do 12¹⁴ sati.

Sjednicom je predsjedavao Miralem Galijašević, premijer Zeničko-dobojskog kantona.

Sjednici su prisustvovali članovi Vlade:

1. Himzo Smajić, ministar Ministarstva za poljoprivredu, šumarstvo i vodoprivredu,
2. Mirnes Bašić, ministar Ministarstva za pravosuđe i upravu,
3. Nurđehan Šahinović, ministar Ministarstva za rad, socijalnu politiku i izbjeglice,
4. Fahrudin Čolaković, ministar Ministarstva za boračka pitanja,
5. Hajrudin Žilić, ministar Ministarstva unutrašnjih poslova,
6. Mensur Sinanović, ministar Ministarstva za obrazovanje, nauku, kulturu i sport,
7. Zvonimir Anđelić, ministar Ministarstva za privredu,
8. Bojan Gvozdenović, ministar Ministarstva zdravstva,
9. Andrej Kajić, ministar Ministarstva finansija,
10. Goran Bulajić, ministar Ministarstva za prostorno uređenje, promet i komunikacije i zaštitu okoline,

kao i:

1. Haris Hrgić, pomoćnik Sekretara Vlade,
2. Mirsad Kadić, sekretar Sekretarijata za zakonodavstvo,
3. Azra Smailbegović-Đ., zapisničar.

U svojstvu izvjestioca sjednici je prisustvovao Nurudin Smajlagić, direktor Agencije za privatizaciju ZDK.

Premijer je predložio slijedeći

D N E V N I R E D :

1. Zapisnik sa 3. sjednice Vlade, održane 27.03.2015. godine;
 2. Izvještaj o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona za 2014. godinu, sa Prijedlogom Zaključka;
 3. Prijedlog Programa rada Agencije za privatizaciju Zeničko-dobojskog kantona za 2015. godinu, sa Prijedlogom Zaključka;
 4. Prijedlog Finansijskog plana Agencije za privatizaciju Zeničko-dobojskog kantona za 2015. godinu, sa Prijedlogom Zaključka;
- Izvjestilac za tačke 2-4: Nurudin Smajlagić, direktor

5. Mišljenje Ministarstva za obrazovanje, nauku, kulturu i sport, doneseno po Prijedlogu Komisije za mlade Skupštine Zeničko-dobojskog kantona, broj: 01-34-6652-1/15. od 27.03.2015. godine, vezano za prijedloge za Program rada Skupštine Kantona za 2015. godinu, sa Prijedlogom Zaključka o prihvatanju;
6. Program utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614100, subanalitika MAD 101, pozicija "Tekući transfer za ustanove kulture" za 2015. godinu, sa Prijedlogom Zaključka;
Izvestilac: Mensur Sinanović, ministar
7. Prijedlog Odluke o dodjeli koncesije za korištenje termo-mineralne vode sa izvorišta „Banje“ u općini Olovo;
8. Izvještaj o realizaciji Programa utroška sredstava za zdravstvenu zaštitu životinja za 2014. godinu, sa Prijedlogom Zaključka;
9. Izvještaj o realizaciji Programa revitalizacije poljoprivredne proizvodnje nakon stanja prirodne nesreće uz program utroška sredstava Budžeta Zeničko-dobojskog kantona za poticaje u poljoprivredi za 2014. godinu, sa Prijedlogom Zaključka;
Izvestilac: Himzo Smajić, ministar
10. Prijedlog Odluke o određivanju potpisnika naloga platnih transakcija sa posebnog namjenskog računa otvorenog kod IKB DD Zenica za prikupljanje sredstava za saniranje šteta nastalih od poplava na području Zeničko-dobojskog kantona, za period od 12.03.2015. godine do 31.12.2015. godine;
11. Prijedlog Odluke o raspodjeli sredstava za finansiranje političkih stranaka i koalicije političkih stranaka zastupljenih u Skupštini Zeničko-dobojskog kantona za mjesec mart 2015. godine
Izvestilac: Andrej Kajić, ministar
12. Prijedlog Odluke o odobravanju sredstva Agenciji za privatizaciju Zeničko-dobojskog kantona na ime troškova potrebnih za finansiranje redovnih obaveza i aktivnosti;
Izvestilac: Zvonimir Anđelić, ministar
13. Izvještaj o realizaciji utroška finansijskih sredstava sa razdjela 11- Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2014. godinu, sa Prijedlogom Zaključka;
14. Program utroška finansijskih sredstava sa razdjela 11- Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2015. godinu, pozicija „Tekući transferi i drugi tekući rashodi“, sa Prijedlogom Zaključka;
Izvestilac: Miralem Galijašević, premijer

Dnevni red je jednoglasno usvojen.

Prva tačka dnevnog reda

Vlada je jednoglasno usvojila Zapisnik sa 3. sjednice Vlade Zeničko-dobojskog kantona, održane dana 27.03.2015. godine.

Druga tačka dnevnog reda

Obrazloženje za ovu tačku dnevnog reda dao je Nurudin Smajlagić, direktor Agencije za privatizaciju ZDK.

U diskusiji su učestvovali: Premijer Zeničko-dobojskog kantona, Ministar Ministarstva unutrašnjih poslova, Sekretar Sekretarijata za zakonodavstvo.

Vlada je jednoglasno donijela Zaključak kojim se prihvata Izvještaj o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona za 2014. godinu.

Izvještaj iz tačke I. sastavni je dio ovog Zaključka.

Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Nurudin Smajlagić, direktor Agencije za privatizaciju ZDK.

U diskusiji su učestvovali: Premijer Zeničko-dobojskog kantona, Ministar Ministarstva finansija.

Vlada je jednoglasno donijela Zaključak kojim se daje saglasnost na Program rada Agencije za privatizaciju Zeničko-dobojskog kantona za 2015. godinu.

Program iz tačke I. sastavni je dio ovog Zaključka.

Zaključak stupa na snagu danom donošenja.

Pored ovoga, Vlada je takođe jednoglasno donijela i slijedeće zaključke:

3a)

Zadužuju se Ministar Ministarstva za pravosuđe i upravu, Sekretar Sekretarijata za zakonodavstvo, Sekretar Vlade i Direktor Agencije za privatizaciju, da razmotre mogućnost zbrinjavanja viška uposlenika Agencije za privatizaciju Zeničko-dobojskog kantona u smislu izmjene zakona i propisa kako bi isti bili tretirani kao državni službenici.

Zaključak stupa na snagu danom donošenja.

3b)

Zadužuje se Ministarstvo finansija da pripremi tumačenje namjene i načina utroška ESCROW sredstava.

Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dao je Nurudin Smajlagić, direktor Agencije za privatizaciju ZDK.

Vlada je jednoglasno donijela Zaključak kojim se daje saglasnost na Finansijski plan Agencije za privatizaciju Zeničko-dobojskog kantona za 2015. godinu.

Finansijski plan iz tačke I. sastavni je dio ovog Zaključka.

Zaključak stupa na snagu danom donošenja.

Peta tačka dnevnog reda

Obrazloženje za ovu tačku dnevnog reda dao je Ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona, Pomoćnik Sekretara Vlade.

Vlada je jednoglasno donijela Zaključak kojim se tačka pod rednim brojem 5: Mišljenje Ministarstva za obrazovanje, nauku, kulturu i sport, doneseno po Prijedlogu Komisije za mlade Skupštine Zeničko-dobojskog kantona, broj: 01-34-6652-1/15., od 27.03.2015. godine, vezano za prijedloge Komisije za mlade za Program rada Skupštine Kantona za 2015. godinu, vraća predlagачu na doradu u skladu sa Programom rada Skupštine Zeničko-dobojskog kantona za 2015. godinu.

Zaključak stupa na snagu danom donošenja.

Šesta tačka dnevnog reda

Obrazloženje za ovu tačku dnevnog reda dao je Ministar Ministarstva za obrazovanje, nauku, kulturu i sport.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se usvaja Program utroška sredstava u razdjelu 22, budžetska organizacija 01, potrošačka jedinica 0001, ekonomski kod 614100, pozicija "Tekući ransfer za ustanove kulture" Budžeta Zeničko-dobojskog kantona za 2015. godinu, u ukupnom godišnjem iznosu od 3.232.040,00 KM (slovima: trimilionadvijestotinetridesetdvijehiljadečetrdeset konvertibilnih maraka).

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Zaključak stupa na snagu danom donošenja.

Sedma tačka dnevnog reda

Obrazloženje za ovu tačku dnevnog reda dao je Ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona, Ministar Ministarstva finansija, Ministar Ministarstva unutrašnjih poslova, Ministar Ministarstva za rad, socijalnu politiku i izbjeglice, Ministar Ministarstva za boračka pitanja, Pomoćnik Sekretara Vlade.

Vlada je jednoglasno donijela Odluku o dodjeli koncesije za korištenje termo-mineralne vode sa izvorišta „Banje“ u općini Olovo

Član 1.

(Predmet)

Javnoj zdravstvenoj ustanovi banjsko-rekreativni centar „Aquaterm“ d.o.o. Olovo (u daljem tekstu: Koncesionar) dodjeljuje se koncesija za korištenje termo-mineralne vode sa izvorišta „Banje“, općina Olovo, koje se nalazi na parcelama označenim kao k.č. broj: 812/2 i 812/3, K.O. Olovo, općina Olovo, u obimu od 5,50 l/s.

Član 2.

(Saglasnost na opravdanost realizacije projekta)

Daje se saglasnost na opravdanost realizacije projekta kojeg je dala „Studija o ekonomskoj opravdanosti dodjele koncesije na eksploataciju termo-mineralne vode na lokalitetu Banje Olovo“, od marta 2015. godine.

Član 3.

(Vrijeme trajanja koncesije)

Koncesija za korištenje termo-mineralne vode po ovoj Odluci dodjeljuje se na period od 30 (slovima: trideset) godina, računajući od potpisivanja ugovora o koncesiji.

Član 4.

(Plaćanje tekuće koncesione naknade)

Koncesionar je dužan da plaća naknadu za korištenje predmeta koncesije po ovoj Odluci u visini, na način i po postupku i rokovima koji će se utvrditi Ugovorom o koncesiji.

Za vrijeme trajanja koncesije Koncesionar je obavezan plaćati tekuću koncesionu naknadu u visini od 1,5 % od ukupnog godišnjeg prihoda ostvarenog korištenjem predmeta koncesije, a ne može biti manja od 25.900,00 KM.

Član 5.

(Plaćanje jednokratne koncesione naknade)

Prije potpisivanja Ugovora o koncesiji Koncesionar je dužan uplatiti jednokratnu koncesionu naknadu u iznosu od 37.710,00 KM.

Član 6.

(Raspodjela koncesione naknade)

Naknade iz članova 4. i 5. ove Odluke predstavljaju prihod Zeničko-dobojskog kantona i općine Olovo u omjeru koji je određen Odlukom o načinu rasporeda i korištenju finansijskih sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13).

Član 7.

(Posebna vodna naknada)

Plaćanje koncesione naknade ne isključuje obavezu korisnika koncesije da plaća posebnu vodnu naknadu za korištenje voda u skladu sa Zakonom o vodama, odnosno u skladu sa vodnom dozvolom.

Član 8.

(Zaključivanje ugovora o koncesiji)

Zadužuje se Ministarstvo za poljoprivredu, šumarstvo i vodoprivredu da u svojstvu Koncesora, na osnovu ove Odluke i odredaba Zakona o koncesijama, zaključi Ugovor o koncesiji sa Koncesionarom, kojim će se urediti međusobni odnosi, prava, obaveze i odgovornosti, uz prethodno pribavljeno mišljenje Kantonalnog pravobranilaštva.

Rok za zaključenje ugovora iz stava 1. ovog člana je 60 (šezdeset) dana od dana stupanja na snagu ove Odluke.

Član 9.

(Stupanje na snagu odluke o dodjeli koncesije)

Ova odluka stupa na snagu danom donošenja, a objaviti će se u Službenim novinama Zeničko-dobojskog kantona.

Osma tačka dnevnog reda

Obrazloženje za ovu tačku dnevnog reda dao je Ministar Ministarstva za poljoprivredu, šumarstvo i vodoprivredu.

Diskutovao je Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se prihvata Izvještaj o realizaciji programa utroška sredstava budžeta za zdravstvenu zaštitu životinja za 2014. godinu, Ministarstva za poljoprivredu, šumarstva i vodoprivredu Zeničko-dobojskog kantona.

Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona, Ministar Ministarstva unutrašnjih poslova, Ministar Ministarstva za rad, socijalnu politiku i izbjeglice, Ministar Ministarstva finansija, Pomoćnik Sekretara Vlade.

Vlada je jednoglasno donijela Zaključak kojim se Izvještaj o realizaciji Programa revitalizacije poljoprivredne proizvodnje nakon stanja prirodne nesreće uz program utroška sredstava Budžeta Zeničko-dobojskog kantona za poticaje u poljoprivredi za 2014. godinu, Ministarstva za poljoprivredu, šumarstva i vodoprivredu Zeničko-dobojskog kantona kao obrađivača, vraća na doradu.

Materijal iz tačke I. ovog Zaključka uputiti Ministarstvu finansija radi interne revizije i kontrole ispravnosti utroška sredstava, jer je na projekte Ministarstva za poljoprivredu potrošeno više nego je bilo raspoloživih sredstava, obaveze nisu plaćene do ovog momenta, a sve predstavlja utrošak prethodne Vlade.

Zaključak stupa na snagu danom donošenja.

10. tačka dnevnog reda

Obrazloženje za ovu tačku dnevnog reda dao je Ministar Ministarstva finansija.

Vlada je jednoglasno donijela Odluku o određivanju potpisnika naloga platnih transakcija sa posebnog namjenskog računa otvorenog kod IKB DD Zenica za prikupljanje sredstava za saniranje šteta nastalih od poplava na području Zeničko-dobojskog kantona za period od 12.03.2015. godine do 31.12.2015. godine

Član 1.

(Potpisnici)

Za potpisnike naloga platnih transakcija sa posebnog namjenskog računa otvorenog kod IKB DD Zenica za prikupljanje sredstava za saniranje šteta nastalih od poplava na području Zeničko-dobojskog kantona, za period od 12.03.2015. godine do 31.12.2015. godine, od strane Vlade Zeničko – dobojskog kantona određuju se:

- a) Sead Džanović, direktor Kantonalne uprave civilne zaštite,
- b) Andrej Kajić, ministar Ministarstva finansija, i
- c) Miralem Galijašević, premijer Zeničko-dobojskog kantona.

Član 2.

(Stupanje na snagu i datum primjene odluke)

Ova odluka stupa na snagu danom donošenja, primjenjuje se od 12.03.2015. godine i objavit će se u „Službenim novinama Zeničko-dobojskog kantona“.

11. tačka dnevnog reda

Obrazloženje za ovu tačku dnevnog reda dao je Ministar Ministarstva finansija.

Vlada je jednoglasno donijela Odluku o raspodjeli sredstava za finansiranje političkih stranaka i koalicije političkih stranaka zastupljenih u Skupštini Zeničko-dobojskog kantona za mjesec MART 2015. godine

Član 1.

(Predmet Odluke)

Ovom Odlukom odobrava se isplata sredstava u iznosu od 32.833,33 KM (slovima: tridesetdvije-hiljadeosamstotinatridesettri/33 konvertibilnih maraka) za političke stranke i koaliciju političkih stranaka zastupljene u Skupštini Zeničko-dobojskog kantona, za mjesec mart 2015. godine.

Član 2.

(Raspored sredstava)

Sredstva iz člana 1. Ove Odluke raspoređuju se na način da se:

- 30% sredstava dijeli jednako svim političkim strankama, odnosno koalicijama političkih stranaka koje su osvojile mandate u Skupštini Zeničko-dobojskog kantona,
- 60% sredstava dijeli prema broju poslaničkih mandata koje svaka politička stranka i koalicija političkih stranaka zastupljena u Skupštini Kantona, ima u trenutku dodjele mandata,
- 10% od ukupnog iznosa raspoređuje se klubovima poslanika srazmjerno broju poslaničkih mjesta koja pripadaju manje zastupljenom spolu.

Član 3.

(Trenutak raspodjele)

Kao trenutak raspodjele sredstava iz člana 2. ove Odluke smatra se dan donošenja Odluke Vlade Kantona o raspdjeli istih.

Član 4.

(Budžetska organizacija i ekonomski kod)

Isplata sredstava iz člana 1. ove odluke će se izvršiti na osnovu Zakona o izvršavanju budžeta Zeničko-dobojskog kantona za 2015. godinu, broj: 01-02-7268/15 od 31.03.2015. godine, a iz Budžeta Zeničko-dobojskog kantona za 2015. godinu sa razdjela 10, budžetska organizacija 01, potrošačka jedinica 0001 – Skupština Kantona, Pozicija “Tekući transfer za finansiranje političkih stranaka, koalicija političkih stranaka i nezavisnih poslanika”.

Član 5.

(Realizacija Odluke)

Za realizaciju ove odluke zadužuju se Ministarstvo finansija Zeničko-dobojskog kantona i Stručna služba Skupštine Zeničko-dobojskog kantona, svako u okviru svoje nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

12. tačka dnevnog reda

Obrazloženje za ovu tačku dnevnog reda dao je Ministar Ministarstva za privredu.

U diskusiji su učestvovali: Premijer Zeničko-dobojskog kantona, Ministar Ministarstva za rad, socijalnu politiku i izbjeglice, Ministar Ministarstva za prostorno uređenje, promet i komunikacije i zaštitu okoline, Ministar Ministarstva finansija, Ministar Ministarstva za pravosuđe i upravu, Sekretar Sekretarijata za zakonodavstvo.

Vlada je jednoglasno donijela Odluku o odobravanju finansijskih sredstava Agenciji za privatizaciju Zeničko-dobojskog kantona

Član 1.

(Predmet)

Odobravaju se finansijska sredstva Agenciji za privatizaciju Zeničko-dobojskog kantona u iznosu od 35.000,00 KM (slovima: tridesetpet hiljada konvertibilnih maraka), na ime troškova potrebnih za finansiranje redovnih obaveza i aktivnosti.

Član 2.

(Ekonomski kod)

Odobrena sredstva iz člana 1. ove odluke isplatiti će se iz Budžeta Zeničko-dobojskog kantona za 2015. godinu, (isplata za period januar – mart 2015. godine), razdjel 18, budžetska organizacija 01, potrošačka jedinica 0001, ekonomski kod 614100, pozicija «Transfer za Agenciju za privatizaciju».

Član 3.

(Realizacija sredstava)

Sredstva planirana Budžetom Zeničko-dobojskog kantona za namjene predviđene ovim aktom, realizovat će se isključivo u skladu sa procentom ostvarenja javnih prihoda u Budžet Kantona.

Član 4.

(Provođenje Odluke)

Za realizaciju ove odluke zadužuje se Ministarstvo za privredu i Ministarstvo finansija, svako u okviru svoje nadležnosti.

Član 5.

(Stupanje na snagu)

Odluka stupa na snagu danom donošenja i objavit će se u "Službenim novinama Zeničko-dobojskog kantona".

13. tačka dnevnog reda

Obrazloženje za ovu tačku dnevnog reda dao je Premijer Zeničko-dobojskog kantona.

Vlada je jednoglasno donijela Zaključak kojim se usvaja Godišnji izvještaj o izvršenju tekućih transfera i drugih tekućih rashoda iz nadležnosti Ureda premijera Zeničko-dobojskog kantona za 2014. godinu, koji čini sastavni dio Zaključka.

Zaključak stupa na snagu danom donošenja.

14. tačka dnevnog reda

Obrazloženje za ovu tačku dnevnog reda dao je Premijer Zeničko-dobojskog kantona.

Vlada je jednoglasno donijela Zaključak kojim se usvaja Program utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2015. godinu, pozicija „Tekući transferi i drugi tekući rashodi“ u ukupnom iznosu od 1.133.000,00 KM (slovima: jedanmilijonstotridesettrihiljade KM), i čini sastavni dio ovog zaključka.

Sredstva iz Programa iz tačke I. zaključka realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade.

Sredstva iz člana I. ovog zaključka koristiće se po prijedlogu Ureda premijera, na osnovu akta kojeg donosi Vlada.

Zadužuju se Ured Premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Zaključak stupa na snagu danom donošenja.

Premijer je sjednicu zaključio u 12¹⁴ sati.

POMOĆNIK SEKRETARA VLADE

Haris Hrgić

ZAPISNIČAR

Azra Smailbegović-Đ.

PREMIJER

Miralem Galijašević